

pra, id quod sibi impositum est et pro contributione et auxilio hic infra specificando.

220* Et ut huiusmodi defensio eo citius promptius et convenientius provideri et effici possit, per ipsum capitaneum generalem declaratum et conventum est quemadmodum ad praesens declaratur, quod predicti confederati statim et in promptu prestabunt summam centum et octo milium scutorum auri de camera realiter et cum effectu. Quae quidem summa in primum Dominus Noster, respectu sopradicto et ratione terrarum Sedis Apostolice in eadem Italia existentium, pro sua rata 30 milia scutum, similiter Caesarea Maiestas pro sua rata 40 milia, Dux Medionali 15 milia, Dux Ferrariæ 10 milia, Senenses 5 milia, Caesar praeterea ut preferitur dicti Ducis et Reipublicae Ianuenses 8 milia. Quae quidem summa 108 milia scutorum consignabitur et deponetur ad manus mercatorum aut aliarum sufficientium personarum in Italia commorantium, ad declarationem Sanctissimi Domini Nostri et Maiestatis Caesareae, seu habentium mandatum ab eis, qui eandem recipere solutionem faciles esse possint, ad satisfactionem et arbitrium supradicti Capitanei generalis et commissariorum ut supra, qui etiam eidem debitas cautiones et obligationes dabunt de huiusmodi pecunia tradenda et praestanda in totum vel in partem prout vi necessitas exigerit, ac quotiens et quandocumque per eum Capitaneum et commissarios ut supra fuerint requisiti. Et ex nunc autorizant respective praefati contrahentes omnes quietantias et litteras receptionis, quas praedicti Capitaneus et commissarii ut supra prenarratis mercatoribus aut aliis personis, quae huiusmodi pecuniam recipiant et exponent daturi sunt, eosque mediantibus praemissis liberos et quietos redant.

Insuper, casu quo Italia invaderetur cum exercitu terrestri, ita quod huiusmodi summa non sufficeret ad praedictam defensionem et resistantiam, et ipsi Capitaneus et commissarii ut supra videretur habendum esse exercitum in campo, vel disponendos milites, tam pedestres, quam equestres, in confinibus, vel habere exercitum instructum: ipsi contrahentes convenerunt, tractarunt et promiserunt, quemadmodum tractant et promittunt, adimplere et satisfacere omni mense, bello in Italia durante, et tam diu, quam huiusmodi confederatio durabit, summam 84 milia scutorum monetae predictae, videlicet Sanctissimus Dominus Noster 20 milia, Caesarea Maiestas 36 milia, Dux Mediolani 15 milia, Dux Ferrariae 8 milia, Senenses 2 milia, pro

Duce aut republica Ianuense Caesar ut supra promittit in singulos mensesolvere 3 milia, habito respectu quod sint in confinibus, hoc quidem casu quo et pro eo tempore, quo dicti ianuenses non rationabiliter debeant sibi timere ab invasione inimicorum, et sit necessarium eis habere praesidia in Genua, in quo casu talis necessitatis excusabuntur, ab huiusmodi contributione 3000 scutorum. Quae summa 84 milia scutorum consignabitur etiam ad manus eorum quos Sanctissimus Dominus Noster et Caesarea Maiestas declarabunt et convertetur et impendetur in salaria et intertentione equitum cataphratarum seu gravioris et levis armaturae, nec non peditum hispaniarum, italorum et germanorum, similiter artelliarum munitionum et aliorum sumptuum, qui eidem Capitaneo et commissariis ut supra necessarii videbuntur. Qui etiam adverterint ne ipsos contrahentes maioribus sumptibus et impensis onerent, neque diutius quam necessitas exposulaverit. Et tenebantur ipsi contrahentes et quilibet eorum partem ipsam contingentem de mense in mensem complere et praestare ut supra dictum est ad nudam et simplicem requisitionem praefati Capitanei et commissariorum ut supra, sub poena universi damni et interesse ad quae ex nunc ipsi et eorum quilibet se submittit et astringi.

Item, cautum est et tractatum quod si forsan accidat exercitum ipsius ligae seu alias copias esse et crassari in terris et dominiis aliquorum ex confederatis et ab eis opprimi et damnificari, tunc et eo casu Capitaneus et commissarii predicti sublevabunt eosdem confederatos a predicta impositione mesua, secundum et pro eo tempore et pro exigentia damni quod patientur dicti confederati.

Item, expresse cautum est et tractatum, quod casu quo Caesarea Maiestas teneatur iusta formam predictae ligae contractae inter praedictum Sanctissimum Dominum Nostrum, Suamque Caesaream Maiestatem et Venetis intertenere equites et pedites, tormentaue bellica habere, quae predictae ligae virtute intertenere tenentur pro defensione status Mediolani, tunc in eo casu habito respectu. Et atento quod predicta particularis defensio sit etiam in beneficium generalis defensionis, quodque predicta particulari liga per tenores huiusmodi ligae in suo robore remanent omne id quod Caesarea Maiestas in intertensione et stipendio predictorum equitum et peditum et tormentorum impendet et solvet censebitur impensum et solutum pro hac liga et contributione mensua pro tempore et casu illius, et tam diu quam dius locus erit intertentioni